

Gunaahon Kī Maafi Ke Liye Qurbaanī

Taurait : Ālim-E-Deen Kā Qaanun 5:17-19

Agar koī wo kaam kartā hai jo Allaah taa'alā ke hukm ke k̄hilaaf hai chaahe usse wo gunaah anjaane me hī ho gayā ho, phir bhī us ko gunaahgaar samjhā jaaegā aur wo uskā zimmedaar hogā.⁽¹⁷⁾ Unko apne gunaahon kī maafi ke liye apne jaanwaron me se qurbaanī ke liye ek bakrā mazhabī rahanumā ko denā hogā.^[a] Ye bakrā sahī qeemat kā ho aur ismeñ koī aib bhī naheen honā chaahie.⁽¹⁸⁾ Is tarah se mazhabī rahanumā inke us gunaah kā kaffaarā deñge jo unhone anjaane me Allaah taa'alā ke k̄hilaaf kiyā hai.⁽¹⁹⁾

[a] Un logoñ ke liye bheḍ-bakriyaan hī unkī jamā puñjī theen. Unko is baat se ḍaraayā gayā ki agar wo gunaah kareñge to unko apnā ek jaanwar qurbaanī ke liye denā hogā taaki wo log gunaah se dur raheñ.